


# Maqthaiq 26




Bhaqsaqkhaq  
maq kev lal nail  
kovq n jia-v-u phao,  
aivq-i mail bhi doevq  
kovq lal-a nail Laqyaqlul  
al gaq jaol nail Bheiqtaq nil  
jul gu bhai Yeiqsul lai-a  
nail ngaol.



1

Aq-u phao  
Maq lil neq,  
aqphoiq mao ail  
phoiq nail naqdul  
dai khul nail, huqbhiq  
nil nail aqtseel hail khanl  
tsiq khi, Yeiqsul nail  
aqkhill bhai leivq bhiq khi,  
aivq nail uquhuq tsailkheel-i  
mail siv bhiq-a nail ngaol.  
Huqbhiq nil nail aqtseel al  
ilkhaol teevq il il lao ail, huqbhiq  
nil dee dee nail ngaol.



2

Aq-u phao, yaq laol tsel-nvq gaq nail lavqkhoel bhai aol nail Yuldav Ilsaqaq liqoq dai mil-ai thaq nail gaq, Yeiqsul bhai aqyu juq nail aqlavq lavqkhoel bhai av bhiq nail haqbhoil, Philma juq jaol nail bha lai-a nail ngaol.




Philma aqivq juq daoq al daoq ya gaiq-u phao, lavqkhiq tsail dee dee khi, "Naoq bhai phul bivq naol" dai, ge ceiv-a nail ngaol. Al heel ngel-i mail, Yeiqsul bhai Philma juq nail aqlavq lavqkhoel bhai av bhiq nail khaq mao eivq lal ail dai, Yuldav hal pov-a nail ngaol."



Yeiqsul-i mail khoel nail khe-ai, yaq laol juq Bhaqsaqkhaq aqbhee jaq nail haqbhoil lav sav ail-a nail ngaol. Aqyu juq aoq kivq jaq thail thaiq-u phao, Yeiqsul khaqmul oil khi, Miqyail bhai tsiq eeq-a nail ngaol. A bhai nee ngal-aq, khaqmul al ngaoqpav khi, "Niil neq, ngaq nail aqmaol ngaol. Oil jaq yaoq" dai, ge khi yaq laol juq bhai tsiq bhiq-a nail ngaol.



Aq heeq tsil ju nail ullul deq nail khaqanq tsiq khi, Miqyail bhai gaoq tsiq eeq-a nail ngaol. A bhai nee ngal-aq, aivq aqyu juq bhai tsiq bhiq khi ge nail: "Nul juq yaoq gaq yaoq-ao nee daol yaoq. Khul khi mail dai ngal-aq neq, niil neq, daoqma saljial bhai tavq nail ngaq nail aqsivq ngaol. Tsaol-aq mao dai nail oeqbal phaiq bhiq kivq dai, ngaq nail aqsivq bhi il lee nail ngaol."



Yeiqsul gaoq ge nail: "Sil moq-ol, Sil moq-ol, gov bhai pheejaq-i mail aoq nail khe-ai, neivq Saq daq nul juq bhai aoq nail dai, khi hal ya-ai thaq nail ngaol. Thail hai ngaol-aoq, naol neema thaq tsaol nail phaqaq yaq cov ail dai, ngal naoq nail haqbhoil geeqlaoq hal-a nail ngaol. Naol noeq pov khi kovq lal-u phao, naoq nail aqtsaoq yaq laol juq bhai gaq bivq yaoq" dai, ge bhiq-a nail ngaol.



Aq-u phao Sil moq ge nail: "Heeqphaq-ol, thaonq bhai maqkhaiq, sil nail phaqaq bhai maqkhaiq, ngal naoq-ai nee mail teevq gaq khe-ai ail nail dai khi ngal lainq-ai thaq nail ngaol" dai, Yeiqsul bhai ge bhiq-a nail ngaol. Yeiqsul ge nail: "Bheiq tuv luv-ol, ngal naoq bhai ge lavq bhel. Yanq-nl kiv yavphoil maq doil lal nail lavqkhoel, naol ngaq bhai, maq heeq kivq ail dai, hail pov kev dai, jil naol" dai, ge bhiq-a nail ngaol.



A bhai nee ngal-aq, Yeiqsul khi mail aivq nail yaq laol juq, Geiqseiqaq nil dai khul nail dao bhai ail kev-a nail ngaol. "Ngal iqmoeq phao geeqlaoq hal ail-u phao, nul juq niai daonq dei-eiq" dai, Yeiqsul yaq laol juq bhai ge bhiq-a nail ngaol. Aq-u phao, aivq ge nail: "Aqbhu-ol, ngaq nail Aqbhu-ol, naol yaoq pha q yaoq-ao nee nl nia nail ngaol.



9

Haq dee aoq dee dee nail Khaoqanq niil ngaq bhai bhi jel-ail lavq yaoq. Thail hai ngaol-aoq, ngal neema tsaq nail khe-ai, tha q bhi pevq. Naol neema tsaq nail khe-ai, bhi pevq yaoq" dai, geeqlaoq hal-a nail ngaol.



10

Al heel ngel-i mail, Yuldav neq, Philma juq khi Pha q liq sail juq-i mail khoel-ai leevq tha q nail uqhuq tha oq nail ilkhaol il ma bhai jaol khi hel dai q phail nail tsaol-aq juq khi mail genl dev nail juq hevq khi lal-a nail ngaol. Aqyu juq phalmanqto vq khi, mi q huq khe q khi, genl dev nail khenkha-ao iqsanl, bavq-nvq tha q nail ngaol. Aqyu juq nail lavqkhoel khe teevq ga q, Philma nail yaqkav bhai tsil gai aivq khi, lavqmal phao khe na q kov ceiv ail-a nail ngaol.



11

Aq-u phao, aqyu juq Yeiqsul bhai nieivq khi, Philma nail ilkhaol bha hel aivq-a nail ngaol. Bheiqtuvluv neq, Yeiqsul nail haoqnao al jai q-ail ma q eq nail bhai tsa o the jaol-nvq tha q nail ngaol.




12

Il khaol nail khainl lavqkhoel bhai tsaol-aq teevq pav ga nav juq miqja q sivto vq khi teevq dao bhai taivq-ail jaol deel-nvq tha q nail bhai, Bheiqtuvluv iqsanl aqyu juq nee mail jaol deel lai-a nail ngaol.




13

Bheiqtuvluv-i mail na q kov tsilceiv bhi q-a nail ga q nee aqivq jaqbhe q tavq nail, Philma aqivq ga q nail yaqkav teevq ga q, Bheiqtuvluv bhai ge nail: "Naol iqsanl, Yeiqsul nee mail gaoqkhail lavqkhoel-ai jaol nail bhai, ngal moel-a nail ngaol" dai, ge bhi q-a nail ngaol.



14

"Maq ngel ail" dai,  
Bheigtuvluv teevq  
pov gaoq jil-a nail  
ngaol. Aq-u phao,  
teevq pov taivq-ail  
yavphoil doil lal-a  
nail ngaol. A bhai  
nee ngal-aq, aivq  
dov-ail khi nioil dee  
dee-a nail ngaol.



15


Aq-u phao, jil lal-a nail tsaol-aq  
iqsanl mail tsaolq thul lal khi, Yeiqsul  
bhai heeqphaq Phillav jaol nail bha  
hel aivq-a nail ngaol. "Naol Yuldav  
tsaol-aq nail heeqphaq ngaol laiq"  
dai, Phillav Yeiqsul  
bhai. nal daiq-a nail  
ngaol. "Naol ge nail  
khe-ai, ngel naol"



16


dai, Yeiqsul ge  
kovq bhiq-a nail ngaol.

A bhai nee ngal-aq, Yeiqsul bhai  
lavqyavq kovtavq bhai tavq heivq nail  
haqbhoil, Phillav-i mail aqyu juq nail  
aqlavq lavqkhoel bhai av kovq bhiq-a  
nail ngaol. A bhai nee ngal-aq, aqyu  
juq-i mail, Yeiqsul bhai he dol aivq-a  
nail ngaol. Yeiqsul aivq nail lavqyavq  
bavq khi, Uqcov dai khul nail jaol duq  
bha lai kev-a nail ngaol. Jaol duq al dao  
bhai, Heiqbhai daoq neq,  
Gaollaqgaoldav dai,  
khul nail ngaol.




17

Al bhai, aqyu juq aivq bhai lavqyavq  
kovtavq bhai tavq heivq-a nail ngaol.  
Tsaol-aq nvq gaq bhai iqsanl, aivq  
nail jail nq phao teevq  
phao teevq gaq dai,  
tavq thaiq-ai  
thaq khi, aivq  
bhai neq,  
gaoltsi bhai  
tavq thaiq-ai  
thaq nail ngaol.



18


Uqhuq thaoq nail ilkhaol il ma nail lavqkhoel khe thao  
pav-ai thaq nail haqphal phal ma iqsanl, gaoltsi nee  
mail nvq pav pav ail-a nail ngaol. Aq-u phao, Yeiqsul  
mail ma-ail gul khi ge nail:  
"Aqbhu-ol, ngaq nail aqhaqlal  
naoq nail aqlavq lavqkhoel  
bhai av bhiq naol" dai,  
ge nail ngaol. Aivq al hai  
ge gaq khi, aqhaq ceiv-a  
nail ngaol.



19

Aqilmaqthaiq meenq bhai jaol nail,  
Yaolsai dai mil-ai thaq nail teevq  
gaq lal-a nail ngaol. Aivq neq,  
maoq bhaoq nl nail munl  
lavqkhoel bhai yu ev nail  
teevq gaq pevq nail  
ngaol. Yaolsai neq,  
haqphal phal phul  
ul aivq khi,

Yeiqsul nail  
aqmaol bhai bavq  
kha gaq-u phao,  
maoltoev toev khi mail,  
lov mav-i mail tavq-ai  
thaq nail luqdaol bhai  
bavq duq ail-a nail ngaol.  
A bhai nee ngal-aq,  
luqdaol nail moeqkhoeq  
bhai lovmav heeq ma  
teevq heeq ngaoq tsoiq  
ail ceevq-a nail ngaol.




20

Aivq iqsanl, Miqyail Milkhaoq kev lee  
nail bhai noeq thunq nail ngaol.  
Aivq maq gee sil dai, Phillav  
jaol nail bhai Yeiqsul nail  
aqmaol hal lai-a nail  
ngaol. Yaolsai neq,  
haqphal phal phul ul  
aivq khi, Yeiqsul  
nail aqmaol bhai

bavq khagaq-u phao,  
maoltoev toev khi mail,  
lovmav-i mail tavq-ai  
thaq nail luqdaol bhai  
bavq duq ail-a nailngaol.  
A bhai nee ngal-aq,  
luqdaol nail moeqkhoeq  
bhai lovmav heeq ma  
teevq heeq ngaoq tsoiq  
ail ceevq-a nail ngaol.


21

Jaol n n-gaol nail haqbhoil  
lainq nail aqn jel-ail khi,  
niaohao n-gaol, Philma  
juq khi mail Phaq liq  
sail juq Phillav jaol  
nailbha jil lai-a  
nail ngaol.




22

Aqyu juq ge nail: "Heeqphaq-ol,  
yu bhai hevq bheeq nail  
al gaq aqdoevq doevq-u  
phao, hail n bhee lal haq  
neq, ngal gaoq doevq  
kovq lal nail ngaol dai,  
ge-ai thaq nail bhai  
nv juq bhai noeq  
dov lal-a nail  
ngaol.



23

Al heel ngel-i mail, aqyu  
juq ail khi, yu luqdaol  
bhai maq ya phao dai,  
lovmav heeq ma bhai  
jung deeq khi, genl  
dev nail juq bhai  
bhi lovq ail  
ceevq-a nail  
ngaol."



24

Jaol n jel-ail khi, jaol n teevq jao  
nail lavqkhoel iqmoeq-u n-gaol  
ngbhaq bhaq lal thao,  
Maggaqdaqlal meenq bhai  
jaol nail Maq lil khi mail  
Maq lil yaoq gaq yaoq  
teevq gaq, aqyu nvq  
gaq luqdaol bhai  
hel daiq ail-a nail  
ngaol.

Aq-u phao thaiq  
phuq dai, mil luv luv  
dee dee nail ngaol.  
Khul khi mail dai  
ngal-aq neq, ...


25

... Heeqphaq Miqyail nail nqtavq  
gaqkhoel teevq gaq nqtavq nee  
mail yavq kha lee khi luqdaol  
govkhoiq bhai ngaoq  
tsoiq-ai thaq nail lovmav  
al heeq bhai ngaoq ha  
khi, al nail kovtavq  
bhai jaol deel-nvq  
thaq nail ngaol.

A bhai lovq nail genl  
dev nail tsaol-aq juq  
gee sil dee dee nail  
ngel-i mail, aqjuq juq  
dee dee lal bhiq khi,  
sil heeqphaq ail, /  
pevq ail-a nail ngaol.


26

Nqtavq gaqkhoel al gaq, yaqmai-aq al nvq gaq bhai ge bhiq-a nail: "Thaq gee sil. Lavqyavq kovtavq bhai tavq heivq-a nail Yeiqsul bhai nul nq nvq gaq hel daiq lee-a nail ngaol dai, ngal heeq kivq nail ngaol.



27

Aivq nai maq jaol yaoq-aol. Khul khi mail dai ngal-aq neq, aivq-i mail ge-ai thaq nail khe-ai, aivq doevq kovq lal-a nail ngaol. Aivq bhai bavq thaq-a nail aqduq bhai hel daiq lee yaoq."




28

Aq-u phao, aqyu nvq gaq gee iqsanl gee sil, lavqkhiq iqsanl tsail dee dee nail lavqkhoel, yaq laol juq bhai ge bhiqlai nail dai khi, teevq pov taivq-ail luqdaol nee mail tsaol kol laivq-a nail ngaol.



29

Aq-u phao, thaiq phuq dai, Yeiqsul aqyu nvq gaq bhai thaq phuq khi, "Neesal-ovq dei-eiq" dai, ge bhiq-a nail ngaol. Aqyu nvq gaq Yeiqsul nail aqkhi bhai phalthaiq khi, aivq bhai uqhuq thaq-a nail ngaol.



30

A bhai nee ngal-aq, yaq laol tsel teevq gaq jaoljaoq khi aq jaq thail thaiq-u phao, Yeiqsul aivq nail aqmaol aqyu juq bhai bhi moel-a nail ngaol. Aqyu juq neema maq thaq tsaol nail nee ovqtavq, neema gaol nail ngel-i mail, Yeiqsul aqyu juq bhai khaq-a nail ngaol. Khul khi mail dai ngal-aq neq, Yeiqsul gaq doevq kovq lal-a nail bhai ya moel-a nail tsaol-aq nail daoq bhai, aqyu juq neema maq thaq tsaol-ail. Heeqphaq Yeiqsul aqyu juq bhai al hai ge bhiq gaq-u phao, aivq bhai nqtavq kovtavq bha tsiqdal laivq-a nail ngaol. Aivq a bhai Miqyail nail lavqmal phao jaol deel-nvq thaq nail ngaol.

31

Yeiqsul gaq ge nail: Miqyail miltsaq yaq bhai gaiq-a dee dee nail ngel-i mail, aivq nail Yaqyov teevq gaq teevq-eel ngaol-aq, bivq lavq-a nail ngaol. Yaqyov bhai neema khal thaq tsaol nail tsaol-aq maq ya cov ail nail nee ovqtavq, nqmaq maqluv halyeel ya doevq nail ngaol.

54

60

32

Lolmav 3:23 Khul khi mail dai ngal-aq neq, tsaol-aq iqsanl mail oeqbal nl-a nail ngel-i mail, Miqyail nail seiqlaiq khaoqsail bhai maq ya nia-ail.

Lolmav 6:23 Oeqbal nail aqphoiq neq, ya sil nail ngaol. Thail hai ngaol-aoq, Miqyail-i mail ngadao bhai aqnieivq ail bivq lavq-a nail kovpavq neq, ngadao nail Heeqphaq Yeiqsul Khali bhaq da nee, nqmaq maqluv halyeel ya doevq nail ngaol.

Heiqbhail 9:27 Ngadao tsaol-aq teevq pov ya sil khi, yaqhao yalkhaq dal nail bhai ya daq nail ngaol.

33

Eilpheilsu 2:8,9 Nul juq neema thaq tsaol nail lavqkhoel Miqyail nail geeqlaoq eel jaol bhaq da nee, hevq kovq nail pha q ya-a nail ngaol. Yovqgavq bhai yovqgavq nl-a hal-a nail bhaq da nee ya-a nail maq ngel-ail. Miqyail-i mail bivq lavq-a nail kovpavq ngaol. Nl nail hal nail bhaq da nee ya-a nail maq ngel-ail. Al heel ngel-i mail, tsaol-aq teevq ga q iqsanl neema eeq duq maq jlav-ail.

Lolmav 10:9,10 "Yeiqsul neq, Heeqphaq ngaol" dai, naoq nail moeqthaoq khanq khi, "Miqyail aivq bhai bhi doevq kovq lal-a nail ngaol" dai, naoq nail neema lavqkhoel nee, neema thaq tsaol haq neq, Miqyail naoq bhai hevq kovq lavq nail ngaol. Neema lavqkhoel nee, neema thaq tsaol nail ngel-i mail, Miqyail nail sivtavq bhai tsaq nail daol nail tsaol-aq pevq lal khi, moeqthaoq khanq-a nail ngel-i mail, hevq kovq nail pha q ya-a nail ngaol.

34

Yaolhaq 3:16,17 Yeiqsul gaoq ge nail: "Miqyail miltsaq yaq bhai gaiq-a dee dee nail ngel-i mail, aivq nail Yaqyov teevq ga q teevq-eel ngaol-aoq, bivq lavq-a nail ngaol. Yaqyov bhai neema khal thaq tsaol nail tsaol-aq maq ya cov ail nail nee ovqtavq, nqmaq maqluv halyeel ya doevq nail ngaol.

Khul khi mail dai ngal-aq neq, miltsaq yaq bhai yalkhaq bhi dal nail dai khi, Miqyail aivq nail Yaqyov miltsaq bhai bhi lee-a nail maq ngel-ail. Miltsaq yaq bhai bhi hevq kovq lee-a nail ngaol."

35

1 Yaolhaq 5:11-13 Miqyail salkhil khanq nail al neq, ngadao bhai nqmaq maqluv halyeel doevq nail pha q bivq lavq-a nail ngaol. Nq maq maq luv hal yeel doevq nail al neq, aivq nail Yaqyov nail lavqkhoel bhai aol nail ngaol.

Yaqyov bhai hav bhoel nail tsaol-aq, doevq nail pha q ya nail ngaol. Yaqyov bhai maq hav bhoel nail tsaol-aq, doevq nail pha q maq ya-ail.

Miqyail nail Yaqyov nail aqmil bhai neema thaq tsaol nail nul juq, nqmaq maqluv halyeel doevq nail pha q ya nail ngaol dai, nul juq ya heeq kivq dai, ngal nul juq bhai haoqgavq niil gevq bhoel-ai leevq-a nail ngaol.

36

Maqthaiq 26-28; Lulkavq 22-24; Yaolhaq 13-21

Storyline by: Edward D. Hughes

Illustrated by: Janie Forest  
and Alastair Paterson

Adapted by: Lyn Doerksen.

Akeu Bible (aeu) © 2016, Wycliffe Bible Translators,  
Inc. All rights reserved.

<https://live.bible.is/bible/AEUWBT/GEN/1>

©2024 Bible for Children, Inc.  
www.M1914.org      www.bibleforchildren.org

37